

## PUTNU SKAITEIŠONA

Ķaiz malnēs krauklis symtgadņiks,  
Patš leļš putnu gudriniks,  
Bej sadūmōjš tūs saskaitāt  
Kai jyurys zviergzdus izlasāt.  
Pīaicynoj jys sorkonū,  
Ar skaļū reikli slovonū,  
Sāv gaili paleigā.

Gailš lapni spōrnus sasyta,  
Pi kōjom pīšus dalyka,  
Tod golvā sāksti īspraudā,  
Nu āstis spolvu izrōvā;  
Bej gotovs bīdris statistiķš  
Niu nasaskaiteits napaliķš  
Tā putinenš nivīns!

Ar vysu kryuti dorbā kryta!  
Jys izlūžņoj kur putni myta:  
Viers zāmis, iudinī voi gaisā  
Tī sovus perekleišus taisa —  
I saskaitej cik guļbu, strodu,  
Cik cōleišu, cik poša rodu,  
Cik kūpā vysu tūs.

Viņ seikūs skaitūt putneņus,  
Bej pīrakstiejš jys ceiruļus  
Pi nagantņikim zvierbulim.  
I ceiruleišim palākim

Pi poša krauklá žālōtūs  
Īt vajaga, lai skaiteitūs  
Pi dzīdōtōjim tīm.

Kod krauklis vysu izklausāja  
Jys padūmō i pasacāja:  
„Par zvierbuli nav skaitāt grāks,  
Jo ceirulš irā pušpalāks.  
Viņ traucej mīru dzīsmá skalá!  
Maņ lobōk pateik vaca galá...  
— Kai beja, tai vyss palyka.

Tai moza tauta, slāgta važā,  
Neikst daudz-naceju vaļstī dažā.

*«Latgaļu melodijas» 1977*

## RAIBYS CYUKYS MONOLOGS

„Tī žėivoti gon smīkleigi,  
Kas namōk dzeivōt cyuceigi!”  
Tai raiba cyuka rukstāja  
I sirdš jai lapni pukstāja.

„Voi sunš ar kači, pīmāram,  
Ir dereigs taidam paraugam,  
Kai ejams dzeivis ceļš?  
Gon daži melš:  
Dzie — kačeitš teireigs,  
Dzie — suneitš gūdeigs ...  
Tok dzeivis eistō gudreiba  
Ir atrūnama cyuceibā!

Nu sprīdit poši, lobī ļaudš,  
Kai taidu reiceibu lai sauc,  
Ka sunš pa ceļu ryukojūt,  
Par vysom paļtim pōrlācūt;  
A kačš — jys apleik apejmūt,  
Kod priškā dubļus īraugūt...

Ak, boltkōjeiši, meikstčauleiši,  
Voi taidim vaļdāt pasauli!  
Ka gribi tikš iz zalá zora,  
To dori tai kai cyuka dora:  
Ka radzu dubļus sovā priškā,  
As drūši brīnu tymūs īškā!  
Sávkotrā paļtī vōļojūs,  
Ar cyukom cytom brōļojūs...”

Šur tur vēl šudiņ raiba cyuka volda  
Na tikai aizgoldā, a paņ pi golda.

*«Latgaļu melodijas» 1977*

## VIERŠŠ STYPRINĪKS I KRAUKLIS

Pi rotim pīsits celá molā  
Viersš styprinīks ņaiz stōvāja.  
Jys snausdams gauši gramōja,  
Ar ásti myusys dzonōja.

A krauklis kūkā sādāja

I šaidus vōrdus sacāja:

„Taidis styprinīks,

a navaļnīks...

Rauņ dreizōk sovu saiti pušu!

Paņ maņ tū radzūt slykts ap dūšu.”

„Táv vīgli lidināņ pa gaisu;

As celá dubļus kōjom maisu!”

Jys krauklám atbiļdāja tai.

„Šū saiti nasieju sáv patš;

Kai raisāņ nūstu dreikstu patš?”

Tod krauklis nūzapyutá smogi:

„Kū leidz táv, vierseiņ, styprī rogi...”

Kas navar patš sáv paleidzāņ,

Tam dīvpaleiga narádzāņ!

«*Laiks i nalaiks*» 1974

## STORPPUTNYSKŌ DRAUDZEIBA

Pa mežu dzagūzá ŗaiz ryukōja  
I seikim putinenim kiukōja:  
„Jiuš jaunu prīcys mōceibu  
Par storpputnyskū draudzeibu  
Niu vysi pazaklausit!  
Tū īgaumejit, studejit,  
A cytys — atmetit...”

I putineni klausāja,  
Kū syla zvons jīm zvanāja.  
Jī sovus perekleišus tagad vyna  
I naslāpá, lai dzagūzeitá zyna,  
Kur draugi ūlys dāš i perās cōļus. —  
Lai aizdūmys tá vaira našķir brōļus!

A dzagūzeitá tō viņ gaidāja:  
Jei veikly sovys ūlys īdāja  
Tod draugu perekleišūs sylvūs,  
Kur pāčōk dzagūzāni myltūs  
Tai cytus putynānus mola,  
Ka izgryudá tūs golu golā  
Nu perekleišim ōrā. —

Kod dzagūzá par draudzeibu tāv zvona,  
Tod sorgīs, putineņ — jei tevi mōna.